

الصدمة | #خطبة_جمعة | د. حازم شومان

حازم شومان

ها ان الحمد لله ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضل فلا - [00:00:00](#)

ان تجد له هاديا مرشدا. يا ايها الذين امنوا اتقوا الله حق تقاته. ولا تموتن الا وانتم المسلمون يا ايها الناس اتقوا ربكم الذي خلقكم من نفس واحدة. وخلق منها زوجها - [00:00:40](#)

وبث منهما رجالا كثيرا ونساء. واتقوا الله الذي تساءلون به والارحام ان الله كان عليكم رقيبا يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم - [00:01:00](#)

ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذريتي وال بيتك انك حميد مجيد. اللهم تب علينا توبة ترضى بها عنا. اللهم انا نسترضيك - [00:01:27](#)

برضو عنا. اللهم افتح لنا من ابواب طاعتك ما ترضى به عنا. اللهم افتح لنا من ابواب الدعوة اليك ما ترضى به عنا اللهم استعملنا ولا تستبدل بنا. اللهم اهدنا واهد بنا واجعلنا سببا لمن اهتدى. اللهم اهدنا - [00:01:47](#)

واهدي بنا واجعلنا سببا لمن اهتدى. اما بعد. اخواني واحبابي في الله. لما انسان بيتصدم في الدنيا بيحصل له ايه؟ ميركل ملياردير الماني رقم اربعة واربعين في قائمة اثرياء من اقوى اغنى مية ملياردير في العالم. عنده اثناسر مليار دولار. هذا - [00:02:07](#)

رجل في خلال سنتين خسر ثلاثة مليار دولار بقى عنده تسعة مليار دولار. تسعة مليار وبقي رقم اربعة وتسعين قائمة اغنى مية ملياردير في العالم. اتصدم لان ما عدش عنده غير تسعة مليار دولار بس. ركب العربية بتاعته وراح على شريط - [00:02:27](#)

قطر وقف قدام القطر والقطر بيعدي انتحر قتل نفسه من الصدمة ان هو نقص ثلاثة مليار دولار وبقي رقم اربعة وتسعين على اغلى ميت ملياردير في العالم صدمات الدنيا. لما اي انسان بياخذ صدمة في ماله بياخذ صدمة في حد من احبابه. بيحصل له ايه؟ التاجر

ذهب قصر - [00:02:47](#)

متين وخمسين مليون دولار انتحر قتل نفسه والعياذ بالله من الصدمة اللي هو فيها. احد الناس البسطاء فتح جنبهم معمل تحاليل معمل بيسوق لنفسه عمل خصم خمسين في المية على اي تحليل. انا اما ارواح اطمئن على نفسي اشوف عندي فيروسات كبد ولا لا؟

طلعت النتيجة ان عنده فيروس - [00:03:07](#)

فيروس سي فيروس سي التهاب الكبد سي. الراجل يعني من الصدمة بتاعته قعد ثلاث اسابيع لا ياكل ولا يشرب حد ما مات مش من الفيروس. مات من الصدمة. مات من الصدمة اللي حصلت له. ستيف جوبز صاحب شركة ابل لما اصيب بسرطان في

البنكرياس - [00:03:27](#)

الصدمة بتاعته خلته يسحب الشركة اللي فضل بينها طول حياته. الانسان لما بيتصدم بيحصل له ايه؟ واحد في حي من احياء القاهرة في الازمة المالية الاخيرة ضرب نار على زوجته وقتل ابنه وبنته وبعد كده قتل نفسه من الصدمة المادية اللي حصلت له. ده

الماتش من - [00:03:47](#)

مباراة الاهلي والزمالك. الفريق ده كسب والفريق ده خسر. واحد من مشجعي الفريق الكسبان مات مات. جا له سكتة قلبية واحد من مشجعي الفريق الخسران مات من الاهرى. يعني ناس يوم القيامة هتبعس بتقول لبيك اللهم لبيك. وده هيبعس وهو بيقول جون -

[00:04:07](#)

لانه مات من فرحته ان جه جون. صدمات كثيرة كثيرة. واحد مع مراته يوم الدخلة بيتصوروا على كوبري كده فزوجته وقعت من الكوبري في النهر اللي تحته ماتت رمى نفسه وراها. يعني هي ماتت شهيدة وهو مات منتحر. الاثنين في لحزة واحدة - [00:04:27](#) في يوم الزفاف الصدمة. الصدمة بتعمل في الانسان ايه ؟ لما انسان بيتصدم في حاجة بيحبها. لما انسان بيتصدم في حد بيحبه. لما انسان بيتصدم في خسارة دنيوية يحصل ما لا يتخيله احد انتحار سكتة قلبية امال صدمات يوم القيامة. اذا كانت صدمات الدنيا بتعمل في الانسان كده. اذا كان اللي اتصدم ان فلوسه راحت ولعت - [00:04:47](#)

في نفسه او مال اللي هيتصدم ان حسناته راحت يوم القيامة ؟ اذا كان اللي اتصدم ان ولاده مات ممكن مات فيها ولا انتحر. او مال اللي اتصدم ان ولاده يروح النار والعياذ بالله لانه عمره ما قال لعيل منهم صل ولا اتق ربنا ولا عمره قال لبنت من بناته اتحجبي ده صدمته يبقى شكلها ايه - [00:05:09](#)

ماتش يوم القيامة يا جماعة. قال تعالى خافضة رافعة. لما بيحصل سورة تلاقي الناس اللي كانت تحت بقت هي الملوك والحكام. والناس اللي كانت بتحكم بقت مرمية في السجون. يوم القيامة قافضة رافعة. انقلاب طبقي في وضع الكون كله ناس كانت تحت بقت ملوك يوم القيامة - [00:05:29](#)

وناس كانت فوق بقت بتداس بالاقدام. صدمات يوم القيامة. زي ما ربنا يقول واذا النجوم انكدرت. لما الصقر بينقض على فريسة. ده والانكبار النجوم تنقض على الارض. صدمة انسان طالع من تحت التراب. ويلياقي السما هاجمة على الارض. واذا السماء قشطت - [00:05:49](#)

السما بتزول وصدمة انسان طالع من تحت التراب يببص على السما ما عدش فيه سما اصلا. اذا كانت صدمات الدنيا بتجيب للانسان صدمات عصبية لا يتحمل الحياة بعدها. امال صدمات يوم القيامة. امال صدمة رؤية جهنم التي قال الله سبحانه وتعالى فيها. لا - [00:06:09](#)

الفرع الاكبر. قال المفسرون الفرع الاكبر هي لحزة رؤية جهنم. لما الانسان هيرى جهنم لاول مرة. لما البشر النار لاول مرة امال الانسان في لحظة الصدمات دي صدمة لما يجري على الرسل يقول لهم اشفعوا لي يلاقوا الرسل جاثين على - [00:06:29](#)

بيتوسلوا الى الله ان ربنا يرحمهم. انا بجري على واحد يتوسط لي لقيته يريد انه بيستغيس انه ينجو من الازمة اللي انا بستغيس به فيها. صدمات يوم القيامة. اذا كانت صدمات الدنيا بتعمل في الانسان كده. امال صدمات يوم القيامة تعمل ايه - [00:06:49](#) اكبر ثلاث صدمات يوم القيامة. اكبر ثلاث صدمات هنتكلم عنهم في هذه الخطبة يا جماعة. الصدمة الاولى انك انت اذا كانت صدمات القيامة كتير ففي صدمات تفرق عن صدمات. اكبر ثلاث صدمات يوم القيامة. الصدمة الاولى انك تتصدم في نيتك. انك تتصدم في اخلاصك - [00:07:09](#)

انك تتصلى من الاعمال اللي انت كنت بتعملها ما كانش نيتك فيها لله. ما كنتش بتبتغي بها وجه الله. ان داعية يطلع على منبر صدم يوم القيامة انه ما كانش بيتكلم عشان ربنا ان واحد جاي المسجد ولا رايح يحج ويتصدم يوم القيامة ان ما كانش لوجه الله. ان انسان - [00:07:29](#)

اعمل اعمال سالحة ويتصدم يوم القيامة انما كانتش لوجه الله. الصدمة الثانية. ثاني اكبر صدمة يوم القيامة. الصدمة في الاتباع تكتشف ان الطريق بتاعك كان غلط. انك تكتشف. انك كنت بتعمل حاجات فاكرا ان هي هتقربك من ربنا. وتطلع ما كنتش على سنة رسول الله - [00:07:49](#)

ما كنتش على هدي النبي صلى الله عليه وسلم. كانت بدعة من البدع. كانت ضلالة من الضلالات. وانت فاكرا انك كنت بتعبد ربنا بها. وانت كنت تحسب ان دي عبادة وكنت بتحسب انها بتقربك من الله. فاذا بها لم تكن الا تبعدك عن الله. الصدمة في انك ما كنتش - [00:08:09](#)

متبع للنبي عليه الصلاة والسلام. وكنت بتظن ان ده طريق دين. الصدمة الثالثة انك تتصدم في شيوخك. انك تتصدم في اللي انت كنت بتسمع الفتاوى بتاعتهم وبتحسب ان هم بيدلوك على طريق ربنا. انك تتصدم في اللي كانوا بيوجهوك في الدين. وانت بتحسب

ان البرنامج الفلاني على القناة الفلانية - 00:08:29

الرجل يقول لنا الدين اهو. الرجل بيعرفنا الحلال من الحرام اهوات. هو قال ان ده حلال. هو قال ان فتاوى ربا البنك ده حلال هو قال ان خلاص انا هاعمل ايه ؟ علقها في رقبة عالم واطلع سالم. تكتشف يوم القيامة ان الكلام ده ما كانش له اي دعوة بدين ربنا -

00:08:51

طريق ربنا ما فيش حاجة اسمها علاقة في رقبة عالم واطلع سالم. انت كنت ماشي ورا مين ؟ انت كنت مسلم دينك لمين ؟ انت كنت مقلد دينك لمين انت مين القائد بتاعك ؟ مين اللي انت كنت بتسمع كلامه ؟ مين اللي كان بيقول لك حرام وحلال ؟ كنت مسلم دينك

لمين ؟ ثلاث صدمات. الصدمة الاولى - 00:09:11

النية صدمة الاخلاص اخبار اخلاصك ايه ؟ اخبار نيتك مع الله سبحانه وتعالى ايه ؟ الصدمة قال رسول الله صلى الله عليه وسلم والحديث صححه الارناؤوط رحمه الله. قال رسول الله صلى الله عليه وسلم اذا جمع الله الاولون والآخرين ليوم اذا جمع الله الاولين

والآخرين ليوم لا ريب فيه - 00:09:31

ينادي مناد من كان عمل عملا اشرك مع الله فيه غيره اطلب ثوابه من غير الله. قال رسول الله صلى الله عليه وسلم في

رواية عن رب العزة فانا بريء - 00:09:56

منه الله بيتبرأ من المراء يوم القيامة. يقول الله عز وجل انا اغنى الشركاء عن الشرك. فليطلب ثوابه من صدمة يا جماعة. صدمة ان انت لو جبت تمانين في المية في السانوية العامة تدخل كلية. لو جبت تسعين في المية تدخل كلية. لو جبت سبعة وتسعين في -

00:10:16

اهلك يعملوا فرح الامتحان الوحيد. اللي لو جبت فيه تسعة وتسعين في المية تسقط هو امتحان الاخلاص. لو واحد في المية في العمل لغير الله ربنا احفظنا من الرياء. اللهم احفظنا من الرياء. اللهم طهر قلوبنا من الرياء. اللهم طهر قلوبنا ونفوسنا من الرياء. جبت

تسعة وتسعين - 00:10:36

تسقط. الامتحان الوحيد اللي لازم تجيب فيه مية في المية امتحان الاخلاص. اللي جاب تسعة وتسعين في المية زي اللي جاب سبعين

في المية زي اللي جاب واحد في المية - 00:10:56

في النهاية صفر. صفر صفر ليه! صفر لان لازم يكون العمل لوجه الله. ليس لله فيه شريك. الرجل اللي جه للنبي عليه الصلاة والسلام.

قال له يا رسول الله الرجل يقاتل ببتغي الاجر والذكر. الداعية يطلع على المنبر عايز الاجر من ربنا وعايز الناس برضو تقول عليه

كويس. المتصدق بيتصدق عايز - 00:11:06

اجر من ربنا وعايز الناس تقول عليه راجل طيب. الرجل يقاتل ببتغي الاجر والذكر. قال رسول الله صلى الله عليه وسلم لا اجر له. ما

فيش مية في المية لله سبحانه وتعالى صدمة. الصدمة اللي بالعكس بقى - 00:11:26

اللي اشتغل عشان ربنا اللي كان بينوي كل حاجة لربنا زمان كان يقول لك ايه اللي يحول التراب لذهب ما فيش. الحاجة اللي تحول

التراب لذهب هي الاخلاص يا جماعة - 00:11:42

الحاجة اللي تخلي جماعك لزوجتك تاخذ به قصور في الفردوس الاعلى انك تنوي ان هو لله. الحاجة اللي تخلي نومتك تاخذ يا حور

عين في الجنة انك تنوي ان هو نوم لله. الحاجة اللي تخلي اللقمة اللي بتحطها في بقل. تاخذ بها انهار في الجنة انك تنوي انها لله -

00:11:52

الاخلاص يحول التراب الى الى ذهب. عشان كده سورة الاخلاص سطر واحد. بتلت القرآن كأنك قرأت ثلث القرآن. هو اخلاص مهم

للدرجة ديت هو الاخلاص عظيم للدرجة ديت. الاخلاص انك تبقى حصريا لله. انك تبقى وقف لله. المخلصة لزوجها - 00:12:12

دي عائشة عشان ترضيه. المخلصة لخطيبها اللي لو اتقدم لها واحد تاني معه ميت مليون جنيه ما ترضاش. المخلص لوطنه اللي لو

اتعرض عليه تاخذ ملايين الدنيا ويبيع معلومة واحدة تضر وطنه ما يرضاش. اللي عنده ارض خالصة ملكيتها له. ما حدش يملك زرة

تراب فيها غيره. الاخلاص - 00:12:32

قلبك يبقى بتاع ربنا. المخلص ما بيستخسرش. زي امرأة عمران. لما قالت ربياني نذرت لك ما في بطني. مش نظرت يا ابني ما في بطني كل حاجة لك يا رب شيك على بياض. المخلص ما بيترددش زي ابو الدحاح. لما عرف ان الرسول - [00:12:52](#) السلام قال ان اللي هيدي النخلة دي لوحد طفل يتيم له نخلة في الجنة. راح ادى لصاحب النخلة دي خمسمية فيك نخلة كان بيملكها في حائط من الحوائط اشترى منه النخلة بخمسميت نخلة وراح ادى النخلة للطفل اليتيم. ما بيترددش - [00:13:12](#) هدفه واحد وجهته واحدة طريقه واحد. عشان كده سورة الاخلاص ربنا بيقول قل هو الله احد. الله الصمد ربنا سمى نفسه الاحد عشان ما يبقاش في قلبك وجه غيره. ربنا سمى نفسه الصمد عشان ما يبقاش لك مقصد في الحياة غيره. عشان كده - [00:13:32](#) قال وهو بيتعزب وهم بيكووه في صحراء مكة كان بيقول ايه احد احد الصحابة هم داخلين يقاتلوا المشركين في بدر وهم يظنوا ان الجزيرة العربية كلها جاية عشان تقتلهم ورا المشركين - [00:13:52](#) في بدر كان شعارهم ايه ؟ احد احد لما كان الموضوع يبقى هيقدموا دمهم لله يفتكروا سورة الاخلاص. الاخلاص تخليك تطلع كل حاجة في حياتك لله. امال الرياء الرياء بيودي لفين يا جماعة؟ قال رسول الله صلى الله عليه وسلم اذا كان يوم القيامة ينزل - [00:14:06](#)

الله عز وجل ليقضي بين العباد والامم جافية. والناس كلها على ركبها باركة على ركبها. مليارات البشر الناس اللي عاشت في العصر اللي احنا عايشين فيه. والناس اللي عاشت من الف سنة ايام العباسيين. والناس اللي طالعة من سبعتلاف سنة ايام الفراعنة. والناس اللي بقى لها عشرين - [00:14:26](#) من الف سنة من ايام العصر الحجري. المليارات كله واقف. كله واقف. فاول من يدعى اول ثلاثة ربنا يأمر باسمائهم عشان يقفوا بين ايديه. اول ثلاثة يعرضوا على الله. رجل استشهد. واحد. الدنيا كلها مسمياه الشهيد فلان - [00:14:46](#) اسمه على الميادين. اسمه على المدارس. اسمه على الشوارع الكبيرة في كل محافظة. الشهيد البطل فلان الفلاني ورجل تعلم العلم وعلمه وقرأ القرآن اي وحفظ القرآن. وواحد ثاني عالم كبير وداعية كبير. الناس كانت - [00:15:06](#) بتسمع دروسه على الفضائيات وعلى النت وفي المساجد. عالم كبير وشيخ كبير. ورجل وسع الله عليه. وواحد ثالث راجل بر واحسان. انفق في الاعمال الخيرية كل ما له؟ الناس واقفة مستنية هيحصل فيهم ايه ؟ فيؤتى بالذي استشهد فيقول الله له - [00:15:26](#) يعرفه بنعمه ربنا يقول له انا اديتك واديتك. فيقر بالنعم. فيقول الله له فما عملت فيها. عملت ايه في النعم دي ؟ فيقول يا رب قاتلت فيك حتى استشهدت فيقول الله كذبت - [00:15:46](#)

وتقول الملائكة كذاب فيقول الله بل قاتلت ليقال جريء وقد قيل ثم يؤمر به فيسحب توجيهي الى النار ثم يؤتى بالذي علم القرآن وتعلمه وقرأ القرآن فيعرفه الله بنعمه فيعرفها فيقول الله له - [00:16:01](#) فما عملت فيها فيقول يا رب تعلمت العلم وعلمته وقرأت القرآن فيك. فيقول الله بل قرأت القرآن كالقارئ فيقول الله كذبت. وتقول الملائكة كذبت. ثم يؤمر به فيسحب على وجهه الى النار. ثم ياتي - [00:16:21](#) راجل البر والاحسان بقى فيعرفه الله بنعمه. فيعرفها فيقول له الله فما عملت فيها. الملايين اللي ادتها لك عملت بها ايه انت كنت ملط مليونير في الدنيا عملت ايه بالشركات اللي ادتها لك؟ والاراضي والعقارات وسندات الملكية فيقول يا رب ما طرقت بابا من ابواب - [00:16:41](#)

الخير تحب ان ينفق فيه الا انفقت فيه. انا يا رب كفلت يتامى واديت له اسر فقيرة وراعت ارامل ومساكين وفتحت جمع خيرية وعملت الكولديرات مرة في الجوامع وبنات مساجد. انا عملت كل حاجة يا رب. وكنت بدي شهريرات للناس الفقرا. انا يا رب كنت بعمل ابواب الخير فيقول الله بل انفقتني وقال منفق وقد قيل فيقول الله كذبت وتقول الملائكة كذبت ثم ثم يؤمر به فيسحب على وجهه الى النار. هو ايه ده يا جماعة - [00:17:01](#) هو ايه اللي بيحصل ناس مبعوثة من تحت التراب اللي من عصر الفرعوني واللي من العصر الحجري واللي من العصر العباسي واللي

من كندا واللي من امريكا واللي من افريقيا كله واقف - 00:17:36

والملايكة كل واحد له ملكين سائق وشهيد. والناس مستنية الحساب. ثم يقال اول من تسعر بهم النار هينادي عليهم الوقتي. الناس كلها يا ترى فرعون؟ يا ترى هامان؟ يا ترى قانون؟ يا ترى مين؟ يا ترى مين اللي اول ما انتم زهر بهم النار؟ فجأة الشيخ فلان -

00:17:48

العالم الفلاني القارئ القرآن الفلاني. الناس هتتجنن. فلان اللي احنا كنا بنبكي وراه. فلان اللي احنا كنا بنصلي وراه ودموعنا بتصح من

عينا من التأسر. فلان الراجل اللي كان ما بيسبش حد منا لو يساعده بفلوسه واقف داخلين - 00:18:08

على الله. واحد بيقول يا رب انا يا رب انا دعيت اليك يا رب. انا ما سبتش مسجد ما اديتش فيه درس. انا ما سبتش قناة فضائية ما

اديتش فيها. انا ما سبتش - 00:18:28

اي فرصة للدعوة لو اتكلمت فيها ده كان عشان نفسك. انت مش كنت بتعبدني. انت كنت بتعبد نفسك. انت كنت بتعبد البرواز اللي محطوط فيه انت مش كنت عايز اسم الله يعلو. انت كنت عايز اسمك انت اللي يعلو. اول سؤال هتسأل عنه يوم القيامة الاخلاص -

00:18:38

الاخلاص اول سؤال ستسأل عنه يوم القيامة. الصدمة اوعى تتصدم في نيتك. اوعى تتصدم في اخلاصك. لان عمل من غير اخلاص

زي جسم بلا روح. عمل من غير اخلاص زي عمود الخراب - 00:18:58

صمد اهو. انت واقف تصلي جنبه. انت واقف وهو واقف. ولكن انت فيك روح هو ما فيهوش روح. عمل من غير اخلاص ما لوش

قيمة. الثلاثة اللي اتقفل عليهم الصخرة في بطن الجبل - 00:19:14

واحد منهم بيقول بيتكلم عن بر امه وابوه وبيقول في الآخر. اللهم ان كنت قد فعلت هذا ابتغاء وجهك الكريم. ففرج فرج عنا ما نحن

فيه. واللي تعفف عن الزنا بعد ما قدر عليه. قال اللهم ان كنت قد فعلت هذا ابتغاء وجهك الكريم - 00:19:28

افرج عنا الثلاثة ما توصلوش لله بالعمل. الثلاثة توسلوا الى الله بالاخلاص في العمل. عمل من غير اخلاص. هتتوسل بايه؟ هتقدم ايه

؟ عامل زي اللي راح لواحد ادى له هدية جارية مينة. او عبد ميت. ايه قيمته؟ ما فيش فيه - 00:19:48

عمل من غير اخلاص كانك اعطيت الى الله كأنك اعطيت هدية عبد ميت. ما فيش فيه. رح عشان كده المرائي المراقب يتفضح في

الدنيا. قال رسول الله صلى الله عليه وسلم من سمع الله به. مش انت عايز الناس تسمع عنك وعن الخير اللي انت - 00:20:08

ربنا يفضحه والعياذ بالله ويشهر سيناته. وهو عايز حسناته اللي تتشهر. فضيحة عند الموت. قال رسول الله صلى الله عليه وسلم ان

العبد ليعمل بعمل اهل الجنة فيما يرى للناس. قدام الناس بس. قدام الناس كويس. حتى ما حتى ما يكون - 00:20:28

بينه وبينها الا ذراع. خلاص لسة على الموت ايام. فيعمل بعمل اهل النار ربنا يفضحه قبل ما يموت قدام الناس كلها. ربنا طلع خبيثته

عند الموت في سوء خاتمة والناس مستغربة فيه ايه! هو كان مرائي. كان قدام الناس بس. كان عامل نفسه كويس قدام الناس بس -

00:20:48

فضيحة في الدنيا فضيحة عند الموت فضيحة على الميزان. قال رسول الله صلى الله عليه وسلم صلى الله عليه وسلم ليأتين اقوام

من امتي بحسنات امثال جبال تهامة بيضاء. جايين بجبال حسنات. وربنا يخليها تتحط في كفة الحسنات. ويطب كافة الحسنات.

وبعد كده تتنسف - 00:21:08

الله هباء منثورا. ليه؟ طب ما كان من اولها يترمي في جهنم وخلاص. المشهد ده بيحصل قدام الخليفة ليه؟ ربنا يريد انه يفضحه

على الميزان ليه؟ كانوا اذا خلوا بمحارم الله انتهكوها. قدام الناس عامل نفسه شيخ. قدام الناس عامل نفسه يا ما هنا يا ما هناك

- 00:21:28

قدام الناس عامل نفسه كويس. ولكن اول ما يبقى لوحده يتحول الى ذئب. لا يترك معصية. لا يترك فرصة للفجور الا ويفجر قدام

الناس بس عامل نفسه. كويس. قال رسول الله صلى الله عليه وسلم يجاء برجل فيلقى في النار. يترمي في النار - 00:21:48

فتندلق اقطابه. يعني مصاريه وكبده وكلته ومعدته والطحال اعضاؤه كلها. وامعائه تقوم نازلة بره ده بطنه بطنه تنفتح من عذاب

النار وتترمي برة بطنه. فتندلق اقطابه فيدور بها في النار كما يدور الحمار بالرحى - [00:22:08](#)

زي ما الحمار بيربطوه في حبل ويقعد يدور كده يطحن الطحين ده امعائه تبقى عاملة زي الحبل يفضل يدور حوالين نفسه كده والعياذ بالله في النار الحمار فيجتمع اليه اهل النار. اهل النار اهل النار مشغولين بالنار اللي هم فيها. اهل النار مشغولين بالعذاب اللي هم فيه. لا ده من - [00:22:28](#)

كثر العذاب الخاص اللي ربنا فضحه به وسط اهل النار. اهل النار نفسهم يسيبوا العذاب اللي هم فيه ويتشغلوا به. فيجتمع اليه اهل النار فيقولون ما لك؟ فلان ده انت كنت الشيخ فلان. الم تكن تأمرنا بالمعروف وتنهانا عن المنكر - [00:22:48](#)
ده احنا كنا مسمينك في المنطقة عندنا الشيخ فلان. ده احنا كنا مسمينك في العيلة عندنا الشيخ فلان. ده انت كنت عند كل الناس راجل البر والدين. انا تكن تأمرنا بالمعروف وتنهانا عن المنكر. انت النهاردة ربنا بيعزبك عزاب مخصوص عن كل اهل النار ليه؟ فيقول الرجل - [00:23:08](#)

كنت امركم بالمعروف ولا اتيه وانهاكم عن المنكر واتيه. ده انا كنت عامل نفسي بس بتاع دين قدام الناس. انما بيني وبين ربنا كنت اجعل الله اهون الناظرين اليه والعياذ بالله. الاخلاص يا جماعة - [00:23:29](#)
الاخلاص انما نطعمكم لوجه الله هو ده الاخلاص لا نريد منكم جزاء ولا شكورا. هو ده الاخلاص انك تشتغل عشان ربنا بس. انك تبقى بتشتغل لوجه الله بس هو ده الاخلاص. الاخلاص زي الراجل اللي جه للنبي عليه الصلاة والسلام. اسلم - [00:23:49](#)
وقاتل مع النبي عليه الصلاة والسلام. وبعد شوية النبي حصد غنائم. فبعت لكل واحد في الجيش الغنائم بتاعته. فالراجل خد غنايم. فراح للنبي عليه الصلاة ريهام الغنايم ما هذا يا رسول الله! ايه ده! هو يا رسول الله انت فاكر يا رسول الله! عليه الصلاة والسلام ان انا جاي الجهاد عشان شوية دنيا - [00:24:11](#)

عشان شوية فلوس عشان شوية قماش عشان سيفين اغنامهم ما على هذا تبعتك ما على هذا تباتك. ان رسول الله مش ماشي وراك عشان دنيا. مش ماشي وراك عشان الناس تقول لي يا شيخ. مش ماشي وراك عشان الناس تحسبني راجل صالح - [00:24:31](#)
مش ماشي وراك عشان اخذ مركز ولا منصب ولا مال. ولا شهرة. ما على هذا تابعتك. امال انت عايز ايه؟ انما على ان اضرب بسهم ها هنا. انا اتبعتك عشان اتقتل في سبيل الله بس. فاقتل فاموت. فادخل الجنة لا - [00:24:50](#)
عنها حولا. انا مش عايز حاجة غير الجنة يا رسول الله. انا ما ليش مقصد غير الجنة. شوية وجابه للنبي عليه الصلاة والسلام. لما جت الجولة الثانية في المعركة جابوا له جسة واحد مضروب بسهم ها هنا ومقتول. النبي عليه الصلاة والسلام دهش. النبي عليه الصلاة والسلام بهر. فقال النبي صلى الله عليه وسلم اهو - [00:25:10](#)
هو هو هو! هو ده اللي كان من شوية بيقول انا عايز اموت الموتة دي! فقالوا هو هو يا رسول الله. عليه الصلاة والسلام. فقال النبي صلى الله عليه وسلم - [00:25:30](#)

صدق الله فصدقه الله صدق الله فصدق الله. الاخلاص يا جماعة. الاخلاص له مفعول السحر. الاخلاص ربنا يغير لك به الجبال من مكانها. الاخلاص ربنا يزلك به العثرات اللي سدت عليك. الحجر اللي نزل وسد المغارة بتاعة الجبل. ربنا ازالها بالاخلاص. الاخلاص ربنا - [00:25:42](#)

يفتح لك به طريقك الاخلاص ربنا ييفتح لك به القلوب. الاخلاص ربنا ييفرج لك به الكربات. الاخلاص ربنا بينولك به ما تتمنى وانما لكل امرئ ما نوى. ربنا هيعاملك على قد نيتك. في الدنيا وفي الآخرة. ربنا هيدي لك على قد نيتك. هيفتح لك - [00:26:07](#)
على قد نيتك هيساعدك على قد نيتك. طب اعمل ايه؟ طب ابقى مخلص ازاى؟ اعود اعيط واقول ايه ايه انا انا مراني؟ لأ يا حبيبي ما كلنا يا عزيزي كلنا مراؤون. امال الحل ايه؟ الحل انك تاخذ الدواء. انا عندي كحة. رحت للدكتور. انا عندي كحة يا دكتور خد الدواء ده يا حبيبي - [00:26:29](#)

رحت مخدتش الدواء رجعت له بعد اسبوع بعيط. انا عندي كحة. ما تاخذ الدواء يا ابني. يا جماعة ما كلنا عندنا امراض قلوب. القضية قضية ان احنا ناخذ العلاج ايه العلاج؟ - [00:26:49](#)

صيام يوم في الاسبوع من غير ما حد يدري ان يبقى عندك عمل صالح تعمله في السر ما فيش مخلوق في الدنيا يعرف عنه حاجة. ما تمشي نفسك به. عمل ايه؟ اختار عمل كده في السير. اسرة فقيرة تودي لها حاجة. اي حاجة. ركعتين تصليهم ولا مراتك. ولا -

00:27:01

ولادك ولا اخواتك ولا تكلم نفسك به. اختار اي عمل او تصوم يوم في الاسبوع من غير ما تقول لحد ولا مراتك تعرف ولا حد في البيت يحس يبقى يوم كده بينك وبين ربنا سبحانه وتعالى قيام الليل. من اعظم اسباب الاخلاص وزرع الاخلاص في القلب. ولو ربع ساعة

00:27:21 قبل الفجر -

او نص ساعة بعد العشاء ولو ركعتين. الاخلاص يا جماعة عايز عمل صالح. الصدمة الثانية صدمة الاتباع ان في ناس بتعبد ربنا وهي مش على السنة. وهي مش على سنة رسول الله صلى الله عليه وسلم. بيتعبدوا لله ببدع. بيتعبدوا - 00:27:41

لله بخرافات بيتعبدوا زي اللي يقعدوا يصرخوا ويقولوا يا حسين ولا هي دي عبادة! هي دي ترضي الله من فوق سبع سماوات! فيه ناس كتير قاعدة البدع خدتها بقى اتلطشت بها من قناة فضائية اتلطشت بها من واحد ما هوش عارف هو بيقول ايه خدتها وخلاص ومتهيأ لها - 00:28:01

وتظنه الناس دينا وهو ليس بدين. خد بالك اوعى تكون ماشي غلط. اوعى تكون بتعمل بدعة وانت بتحسب انها سنة. اوعى تكون بتتعبد لله بحاجة لم يتعبدك بها الله سبحانه وتعالى. قال تعالى قل - 00:28:23

هل ننبئكم بالاخسرين اعمالا؟ قل هل ننبئكم بالاخسرين اعمالا؟ بالاخسرين ايه عمالة يعني كانوا بيشتغلوا. يعني كانوا بيعملوا الذين ضل سعيهم في الحياة الدنيا. الذين ضل سعيهم. السعي ده يعني بزل - 00:28:39

مجهود الذين ضل سعيهم في الحياة الدنيا كانوا بيشتغلوا ولكن بيشتغلوا غلط وهم بيحسبون انهم يحسنون صلحا كان فاكرا ان هو صح. كان فاكرا ان اللي بيعمله دواء السنة. ما طلعت السنة ولا حاجة. مش دي ايات في سورة الكهف. اللي المفروض معظمكم قرأها النهاردة - 00:29:00

قبل ما يبجي تدبرنا فيها. قال تعالى وهم يسترخون فيها. قاعدين بيصرخوا في النار. بيجأروا في النار عايزين يطلعوا وهم يسترخون فيها. ربنا اخرجنا. طيب لما تخرجوا عايزين تخرجوا ليه؟ اخرجنا نعمل - 00:29:20

اخرجنا يا رب عشان نشغل. اخرجنا يا رب عشان نعبدك. احنا مش عايزين نخرج عشان ننجو من عذاب النار. احنا عايزين نخرج عشان ننجو من عذاب تأنيب الضمير. ان الله العزيز ده ما عبدناهوش - 00:29:40

ان الله العزيز ده ما شكرناهوش. اخرجنا نعمل. اخرجنا يا رب نصلي ونصوم ونصوم ونسجد ونعبد ونتصدق. اخرجنا نعمل صالحا. اسمع بقى اسمع بقى الكلمة اللي بعد كده. اخرجنا نعمل صالحا غير الذي كنا نعمل. المفسرين - 00:29:56

سيرين قالو لنا ايه قالوا ليه ما قالوش اخرجنا نعمل صالحا بس؟ ليه غير الذي كنا نعمل؟ قال لك الناس دي كانت بتعمل. الناس دي كانت بتشتغل بس كانت فاكرا ان اللي هي بتاع - 00:30:16

ده على السنة. كانت فاكرا ان اللي بتعمله ده على مراد الله وطلع الاعمال اللي كانت فاكراها كويسة ما كانتش على مراد ربنا. الطريق كان غلط الطريق كان غلط عشان كده ابن سيرين رحمه الله كان يقول ان هذا الامر دين. يا اخوانا ده دين. يا اخوانا انت عارف

بالظبط كده زي ما مدرس فيزياء يدخل - 00:30:28

مسلا الفصل فيقول لولد مسلا قل لي معادلة قل لي قانون ارشميدس يقوم يلخ يقول له اي بلخ في اي اتجاه يقول له يا ابني دي فيزياء يا ابني هو احنا هنا بنألف يا ابني! هو احنا هنا بنقول اي كلام! يا ابني ده فيزياء! يعني عايز تتكلم اتكلم بعلم! ابن سيرين بيقول - 00:30:48

هذا الامر دين اللي احنا فيه ده جنة ونار اللي احنا فينا بيتوقف عليه مصيرك. ان هذا الامر دين فانظروا عن من تأخذون دينكم. شف انت بتاخذ قال رسول الله صلى الله عليه وسلم ليزادن اقوام عن حوضي. يوم القيامة والناس عطشانة والرسول عليه الصلاة والسلام

واقف بيسقي الناس بيسقي - 00:31:08

فبيجي ناس هتموت من العطش. يا رسول الله فجأة الملائكة تطردهم برة. امشوا اطلعوا برة في ايه؟ فاقول يا رب امتي امتي يا رب الناس دي من امة الاسلام. فتقول الملائكة انك لا تدري ما احدثوا بعدك. ما انتاش عارف البدع اللي بتدعوها في الدين - [00:31:34](#) ما انتاش عارف الخرافات اللي دخلوها على الاسلام. ما انتاش عارف البدع اللي دخلوها واوهموا الناس ان دي عبادات باسم الدين وهي لا تنتمي الى السنة في شيء ربنا يعلمنا ويفقهنا في ديننا يا رب - [00:31:54](#)

الصدمة الثالثة الصدمة يا شيخك اتصدف اللي انت كنت بتاخذ منه الفتاوى الصدمة في اللي انت كنت مسلم له دينك الصدمة ان فيه ناس تقول لك يا عم علقها في رقبة عالم - [00:32:10](#)

واطلع سالم يا سلام والله العزيز الراجل قاتل المائة لما اراد انه يتوب قال للناس دلوني على اعلم اهل الارض. مش دلوني على اللي كل حلال مش دلوني على اللي يقول لي رح رجع مراتك خمس ست طلاقات اللي انت طلقتهم. لا دول ولا هم اي حاجة وحط عشرة جنيه في صندوق الجامع وامش - [00:32:28](#)

واحد صاحبي ممن يتصدرون للفتوى رسميا واخ ما شاء الله فاضل. فبيقول لي جا لي واحد النهارده قاعد يستفتينا ما لوش حق في الورد وعاييز يورس. فلما قلنا له ما لكش حق. الراجل هيتجنن. امال انا جاي لكم ليه؟ الراجل بدأ يتشاكل معه. ده انا جاي لكم. مش انتم اللي بتقولوا - [00:32:48](#)

ده انا جاي لكم عشان تقولوا لي ينفع. قالوا له يا عم ما لكش حق. ينفع مين؟ ده دين. ده امانة. امام الله سبحانه وتعالى. يبقى الراجل المية قال دلوني على اعلم اهل الارض. دلوني على اللي بجده يقول لي مراد الله ايه؟ اللي بجده يقول لي ايه اللي يرضي الله ان انا اعمله - [00:33:08](#)

وانا اعمله مهما كان. انما انك تدور على اي حد يفتي لك وخلص انت حر. الصدمة في اللي انت اتبعتهم يوم القيامة. قال تعالى وربنا في اخر سورة الاحزاب. وقالوا ربنا انا اطعنا سادتنا. اسمع وكبراءنا - [00:33:28](#) فاضلونا السبيل. ربنا اتهم ضعفين من العذاب والعنهم والعنهم لعنا كبيراً. وقالوا انا اطعنا سادتنا وكبراءنا المواردي رحمه الله. يقول سادتنا لم الحكام الحكام الزلمة ، اومال مين كبراءنا ؟ قال لك العلماء - [00:33:48](#)

بعض المشايخ اللي هو بيحلل ويحلل ويحرم مش بناء على مراد ربنا وانما له فيها مآرب اخرى ربنا انا اطعنا سادتنا وكبرائنا. كان الحكام بيقولوا لنا ده والعلماء كانوا بيقولوا لنا اسمعوا الكلام هو ده الحلال. يجوز فاضلونا - [00:34:09](#) سبيلاً. ضيعونا يا رب. قال لها هو مش علقها في رقبة عالم واطلع سالم! يا سلام! والله العظيم! مين اللي هم الاثنين في النار مع بعض الوقت الاستفتى واللي افتى ربنا اتهم ضعفين من العذاب والعنهم. قاعدين يقولوا على اللي كانوا ماشيين وراهم في الدنيا الله يلعنهم. والعياذ بالله - [00:34:29](#)

قاعدين يلعنوا فيهم وهم الاثنين بيتشاو في نار جهنم مع بعض اصحاب السبت واسألهم عن القرية التي كانت حاضرة البحر اذ يعدون في تأتيهم حيتانهم يوم سبتهم شرعا ويوم لا يستون لتأتيهم. اصحاب السبت هو انتم فاكرين ان اصحاب السبت كانوا بيحطوا الشبك يوم الجمعة - [00:34:49](#)

السبت ياخذوا السمك والحيتان الحاد. انتم فاكرين ده من دماغهم؟ ده بفتاوى. ده يقينا كان فيه برامج بقى افتوكة ولا الافتوكة ولا ايه يا برامج والقات والشيخ قال يهووس والشيخ قال حلال والشيخ قال استفتي قلبك يا اخي والله العزيز استفتي قلبك امال سيدنا جبريل - [00:35:10](#)

ثلاثة وعشرين سنة طالع نازل سبع سموات عشان ايه ؟ والقرآن الستلاف متين ستة وثلاثين اية ده كان عشان ايه ؟ عشان في الاخر يا عم بلا قرآن بلا سنة - [00:35:30](#)

قلبك استفتى قلبك دي لها مكانها. استفت قلبك ديت لما ييجي شاب هيمشي مع بنت واصحابه قالوا له يا عم يجوز. يا عم انت لازم تختبرها قبل الجواز واصحابها قالوا لها يا بنتي يجوز ما انت لازم آآ هو انت هتجوزي جواز صالونات وجه يستفتي قلبه قال لا الناس دي بتضحك علي - [00:35:40](#)

يقينا غلط. انا مش مطمئن مش مطمئن دي استفت قلبك. واحد لقي واحد بيقول له يا عم ايه يعني فوايد البنوك حرام في ايه؟ وانت هتعمل ايه؟ وقلبه بياكله. مش يقول لك انا - [00:36:00](#)

قلبي مش مطمئن. استفتي قلبك. انما استفتي قلبك سب القرآن وسب السنة وسب العلماء. استفت قلبك معناها الغوا من قرآن قول الله فاسألوا اهل الذكر. استفتي قلبك بتلغي. لأ يا جماعة كل نص بيتحط في مكانه. انما مش بنضرب نصوص - [00:36:13](#) القرآن والسنة ببعضها في الآخر انا اطعنا سادتنا وكبراءنا فاضلونا السبيل. اصحاب السبت في الآخر هم واللي فاتوا لهم في النار والعياذ ربنا بيوصف كفار قريش في سورة التوبة وهم بيتعاملوا مع النسيء يقول الله سبحانه وتعالى يحلونه عاما ويحرمونه عاما. يحلونه - [00:36:33](#)

حرمونه. الله! ما هم بيقولوا حلال وحرام اهو. وكفار قريش وفي جهنم والعياذ بالله. هو كل واحد بيقول حلال وحرام يبقى بتاع دين هو كل واحد استخدم الدين لتضليل الناس بقى بتاع دين. مش لسة سامعين حديس فتنتلق اقطابه في النار. فيقول كنت امركم - [00:36:58](#)

بالمعروف ولا اتبه وانهاكم عن المنكر واتيه. ولسه سامعين ان اول من تسعر بهم النار ممكن واحد كان قاعد يفتي للناس. القضية مش كده يا جماعة. القضية اسمع شف دين اللي انت بتسمع له. شف اللي انت بتسمع له مطبق بجد ولا لأ. شف اللي انت بتسمع له - [00:37:18](#)

بجد بيطبق الكلام ولا لأ؟ بجد بيقول كلمة الحق في وجه الظالمين ولا لأ؟ بجد بيعبد ربنا باللي بيقوله على نفسه قبل ما يقوله لك انت ولا لأ. بجد بطبق زهد الدين وقواعد الدين. ومطبق سنة النبي عليه الصلاة والسلام في حياته ولا لأ - [00:37:38](#) انظروا عن من تأخذون دينكم. بص انت مسلم دينك لمين؟ سيدنا عيسى كان بيدخل على بيت المقدس كان اللي متعينين في بيت المقدس الحكم في هذا الوقت وكله تبع الامبراطور الروماني. يدخل يقلب عليهم التراييزات ويقول لهم يا ايها الافاعي انتم اللي ضيعتم الناس - [00:37:58](#)

عشان كده ابن القيم يقول ففي ظاهرهم هم علماء وفي حقيقتهم هم قطاع طريق شكله من بره شيخ انما في الحقيقة هو بيقطع الطريق ما بين الناس وبين ربنا. يبضل الناس والعياذ بالله. قضية خطيرة اوي - [00:38:19](#) قضية قول النبي صلى الله عليه وسلم ان اخوف ما اخاف على امتي حديس النبي عليه الصلاة والسلام ان اخوف ما اخاف على امتي الائمة المضلون اللي عامل شيخ ما بيدلش عن ربنا - [00:38:39](#)

تبقى مصيبة. اخطر شخصية في حياتك هو الشيخ اللي انت هتمشي وراه. لانك محتاج عالم تمشي وراه ولا بد. يبقى اختار عالم صح صدمات يا اخواني في الله الصدمة كنا بنتكلم النهاردة في الخطبة عن الصدمة. على ان في ناس اتصدمت في الدنيا. فيه ناس ولعت في نفسها لما فلوسها راحت - [00:38:56](#)

في ناس لما اسهم البورصة بتاعته نزلت انتحر. فيه ناس جا لها سكتة قلبية لما اتصدمت في اي صدمة دنيوية ولا في خبر وحش. في في في امال صدمات يوم القيامة ما يبقاش فيها ايه؟ امال صدمات الآخرة هيبقى شكلها ايه؟ هيبقى شكلها ايه والناس هتعمل فيها ايه؟ عشان كده قلنا ان اكبر ثلاث صدمات - [00:39:18](#)

لازم تجهز لهم من الوقتي. اوعى تتصدم يوم القيامة في نيتك وفي اخلاصك لازم يبقى لك اعمال صالحة زي الصيام زي القيام. ما حدش يعرفها في الدنيا. تتعبد بها لله سبحانه وتعالى - [00:39:38](#) وقلنا ثاني صدمة احذر منها انك تتصدم في اتباعك. انك تتصدم في عملك. العمل اللي انت كنت بتعمله عشان تقرب من ربنا يبقى انه طلع بيضة ولا حاجة. طب وبعدين اعمل ايه؟ شف انت هتمشي ورا مين؟ الصدمة الثالثة اوعى تتصدم في شيخك. اوعى تتصدم في اللي انت سلمت له دينك - [00:39:54](#)

انت ما كنتتش وانت طالب او ابنك طالب في السانوية العامة بترضى تخليه ياخذ عند اي مدرس عند اشطر مدرس ويروح لاشهر مدرسة انت في الدنيا لما بتجيب صنايعي يشتغل لك حاجة بتجيب افضل صنايعي واكثر صنايعي فاهم في مهنته - [00:40:14](#)

انت في الدنيا كنت بتدور على اكثر واحد فاهم. اوعى في الدين تدور على اللي هيرحك وخلاص تدور على اللي هي مشيها لك
وخلاص دور على اللي هيعرفك مراد الله سبحانه وتعالى واللي حاله وعمله وحاله يصدق مقاله - [00:40:31](#)
اقول قولي هذا واستغفر صلاة وسلاما على عباده الذين اصطفى اللهم لك الحمد كله لك الملك كله وببيدك الخير كله. واليك يرجع الامر
كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت - [00:40:48](#)
الوحيد اما بعد اخواني واحبابي في الله. العلاج بالصدمة في حاجات في الطب دلوقتي اسمها العلاج بالصدمة. يعني ايه؟ يعني زي
الصدمة الكهربائية مسلا ده ده يعني فيه وفيه في الطب النفسي - [00:41:06](#)
نوع علاج اسمه العلاج بالصدمة. انك انت احيانا فيه امراض علاجها انك تعرض الانسان ده لصدمة. يتصدم عايزين نعالج نفسنا. قبل
ما نتصرف يوم القيامة نعالج نفسنا بالصدمة في الدنيا. عارفين زي ما واحد كده يصحى من النوم مفزوع يقول لك انا شفت ان احنا
يوم القيامة وشفت ان آآ النجوم - [00:41:21](#)
على الارض وشفت ان الناس بتصرخ وشفت ان انا مش عارف دخلت القبر. هو ايه ده! ده دي صدمة. ربنا بيفوقه بها. صدمات موقظة
صدما بتخلي الانسان يصحى من الغفلة اللي هو فيها. زي ما شاب راجع من الساحل الشمالي مع اصحابه - [00:41:41](#)
وقعوا في الزنا والعياذ بالله العربية تتقلب اتنين او ثلاثة منهم يموتوا. الرابع ده يفوق ده دي ايه؟ صدمة ولكن صدمة موقظة صدمات
زي ما فجأة كده الشاب فلان الفلاني المشهور في البلد كلها يموت على سوء خاتمة. وياه ده! ربنا بيعرض شباب البلد كلها لصدمة
موقظة - [00:41:59](#)
عشان حد يفوق عشان الناس تفوق لربنا سبحانه وتعالى اصدم نفسك اظلم نفسك في ايه؟ التوصيات العملية. يا اخوانا احنا حاولنا
في الخطبة الاولانية ان احنا قلوبنا تتأثر بالقرآن والسنة. عايزين الوقت قلوبنا تتغير بقى. مش مجرد تأثير وانما تغيير. عايزين -
[00:42:19](#)
سورة تصحيح عايزين نعدل مسارنا. عرض نفسك لصدمة. يعني ايه عرض نفسك لصدمة؟ رح زر المقابر يا اخي. انت لو مت هتدفن
فين اه ده انا المقابر بتاعتي بينا وبينها يجي ساعة كده ولا حاجة بالعربية روح زورها. حاول تزورها النهاردة او تزورها الاسبوع ده.
رح لوحذك - [00:42:41](#)
اقف قدام القبر اللي انت لو مت النهاردة هتدفن فيه. اقف قدام القبر اللي هو بتاعك انت انت هتدفن فيه لو انت مت اقف قدامه.
اقف قدامه وفكر بقى. لو انا اتدفنت فيك النهاردة - [00:43:02](#)
لو انت اتقفلت علي النهاردة هندم على ايه؟ ايه اللي هندم عليه؟ هتلاقي نفسك هتندم على حاجات كتير قوي بتعملها وهتلاقي نفسك
هتندم على حاجات كتير اوي اسرت فيها روح. كل شهر مرة. كل شهرين مرة. اقف قدام القبر - [00:43:20](#)
اللي انت لو مت هتدفن فيه. واسأل نفسك ان التراب اللي تحت رجلك رجلك ده كان بني ادمين زيههم زيك. وبقوا الوقت تراب.
وانت شوية وهتبقى تراب. اقف واسأل نفسك اللي جوة القبر ده مقفول عليه. ممكن يكون بيتمنى يخرج ولكن خلاص. ومن -
[00:43:40](#)
برزخ الى يوم يبعثون. اقف واسأل نفسك طب لو انا مش عارف القبر اللي انا هتدفن فيه. رح زور اي مقابر. وشف اي قبر مفتوح
وادخل فيه ادخل جواه ادخل جوة القبر كده او انزل جوة القبر كده واقعد فيه شوية - [00:44:00](#)
اقعد في ربع ساعة نص ساعة ممكن يكون عندكم في القاهرة هنا المقابر غير بقية الدنيا كلها شوية. دور على مقابر قريبة شوية
من يعني ايه انك تعيش فيها جو القبر شوية. ادخل كده واقفل على نفسك. او ادخل واقعد جوة القبر. واقعد فكر بقى. لو انا دخلت
هنا - [00:44:18](#)
انا جاهز انا جاهز ان ملكين الحساب يجوا ليلة. انا جاهز ان ملايكة الموت انا جاهز ان انا صحيفتي تتقفل النهاردة. انا جاهز انا جاي
المقابر دي هي الملمح الوحيد من الدار الآخرة اللي موجود على وجه الدنيا. الملمح نافذة على الدار الآخرة. القبور اللي حواليك دي
كلها يا اما روضة من - [00:44:38](#)

رياض الجنة هي حفرة من حفر النار. روضة من رياض الجنة مش الساحل الشمالي. مش روضة من رياض الدنيا. حفرة من حفر النار مش بركان على فوهة بركان دي حفرة من حفر نار الدنيا انما حفرة من حفر نار الاخرة. فكر كده القفل اللي على الابواب اللي على -

[00:44:59](#)

المقابر ديت ما هياش بينك وبين ميتين. ده بينك وبين عالم ثاني خالص. انت جاهز انك تدخل العالم ده. اقف وفكر نفسك. اول

صدمة حاول تعرض نفسك لها. اول صدمة موقظة زور القبر اللي انت لو مت - [00:45:19](#)

هتدفن فيه او زور اي مقابر وادخل جوة قبر. وبا سلام بقى لو بالليل شوية يا سلام بقى لو في وقت كده ايه اتنين الظهر في عز الحر عشان تفتكر ما هي دية حر الدنيا امال حر الاكلة شكله ايه؟ طب ده ظلام الدنيا امال ظلام الاخرة شكله ايه؟ نقي توقيت - [00:45:35](#)

ايه ده! يوعظ قلبك. يوقد قلبك. الصدمة الثانية احضر غسل احضر غصن لحد بيغسل وهو ميت وبص كده وقاعدين يقلبوه وقاعدين يجيبوه خلاص بقى اسمها الامانة بقى ما عدش اسمه - [00:45:55](#)

خدوا بالكم من دكتور فلان او باشمهندس فلان خلاص الدال والميم والالف وكل اللقاب راحت. بقى اسمها ايه؟ هاتوا الامانة ودوا الامانة هاتوا خلاص ما عادش الدكتور فلان والباشمهندس فلان بص له كده انت دلوقتي قاعد بتتحرك وجوارحك معك عايز تمسك

بايدك المصحف - [00:46:11](#)

عايز تمشي برجلك للمسجد عايز تقف تصلي قيام ليل جوارحك معاك افتكر اللحزة اللي جوارحك هينتهي تسخيرها لك وخلاص اللي

انت عملته هو اللي بقى معك. الصدمة الموقظة الثالثة رح اشتري كفنك - [00:46:31](#)

ما تستخسرش ما تستناش لحد ما تموت ويدوك كفن مجاني من الجامع اللي جنب بيتكم. لوجه الله. رح ادفع لك سبعين تمانين جنيه في كفن او ايا ما كان التمن - [00:46:48](#)

بتاعه رح اشتري كفن ووصي ان ده الكفن اللي انت هتدفن فيه يعني كفن كده علقه في الدولاب بتاعك او اعينه في كيس كده جوة

دولاب هدومك ولا اي حاجة او تحت السرير والكفن ده يبقى انت موصف وصيتك - [00:46:59](#)

ان ده اللي انت لو مت هتدفن فيه. الله اكبر! ده الكفن بقى! ده الكفن اللي انت هتدخل به. طلعه كده جوة كل شوية. ما لوش جيوب مش هحط علبة سجائر في جيب عشان اولع سيجارة لو اتوترت في القبر. ما فيش فيه هدخل معي بموبايل اكلم حد او حد يكلمني.

لو - [00:47:15](#)

واتكفنت فيه وادان الفجر ادن علي في القبر. ما عدش ينفع البي النداء بعد ما كان النداء قدامي. فكر كده. حاول توقظ نفسك. حاول روق نفسك. حاول تعبد ربنا. رمضان لسة عليه تمانين يوم يا جماعة. تمانين يوم على رمضان. طلع مصحفك. اللي ما قرأش سورة

الكهف النهاردة يقرأها - [00:47:35](#)

يبغون عنها حولا. حدد لنفسك مقصد حياتك الجنة. وانطلق لمقصد حياتك في الجنة. خل التمانين يوم اللي قبل رمضان دول معسكر التدريب وتغيير حقيقي. تدخل رمضان وانت انسان ثاني. تدخل رمضان وانت انسان متغير في عبادتك وفي قلبك. وفي علاقتك

بالقرآن - [00:47:55](#)

اللهم اهد قلوبنا. اللهم اصلح قلوبنا اللهم اصلح قلوبنا. اللهم اضئ قلوبنا. اللهم اجعل القرآن العظيم ربيع قلوبنا. ونور صدورنا. وجلاء

احزاننا ذهاب همومنا اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا. اللهم - [00:48:15](#)

اللهم انا نستغفرك من كل ذنب عصيناك به. ومن كل صلاة ضيعناها. ومن كل نظرة الى حرام نظرناها. ومن كل خطوة الى الحرامي

مشيناها يا من تبسط يدك بالليل ليتوب مسيء النهار. تب علينا يا ربنا من ذنوب الليل والنهار. اللهم انصر اخواننا في - [00:48:39](#)

سوريا. اللهم انصر اخواننا في غزة وفلسطين. اللهم انصر كل من قام يجاهد في سبيلك. على سنة نبيك. اللهم انصر واعز اوليائك.

اللهم اذن لدينك ان يسود. واذن لشرعك ان يقود. واذن لكتابك ان يحكم. اللهم اهد شباب مصر - [00:48:59](#)

اللهم انزل هدايتك على قلوبنا. اللهم اهدنا واهد بنا واجعلنا سببا لمن اهتدى. اللهم اشف امراضنا. اللهم الديون عن مديننا. اللهم اصلح

عيوبنا. اللهم استر عوراتنا. اللهم اشف امراضنا. اللهم ارحم امواتنا - [00:49:19](#)

اللهم اغثنا برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك - 00:49:39